



李貴和居士人生面瘡攝影

至今仍禮懺誦經念佛不輟。奔走併事。
不辭勞苦。能忍能耐。隨順衆生而已。

北平優婆塞弟子李貴和頂禮

編者按。本書於廿六年秋着手編輯時。承李貴和居士惠寄玉照及人面瘡攝影各一幀。當經製成銅版。詎戰事猝起。聞北印刷所陷於火線中。僅取出人面瘡銅版。照相版則已失去。排印事亦告停頓。今重編是書。李君玉照不可復得。祇得將其來函具名處數行製版刊布。以代其肖像。噫。名耶相耶。一耶異耶。讀者勿作分別觀可也。

再版
已出

皆大歡喜第一集內容

- (正文)(一)唐太君灰跡生蓮(二)李少川燭光現字(三)彌陀聖號救產厄(四)甘露神呪度牛冤(五)金志騫供佛瘡難(六)張氏婦嗜蟹慘死(七)王孝子捨身無恙(八)杜監委自殺抉微(九)陶思瑾懺罪學佛(十)張宋氏附體復仇 (附錄)八大人覺經偈(二)普賢行願品偈(三)釋門之大孝(四)歐美哲人嘉言一斑(五)寶華寺人手豬照相(六)人手豬參觀記(七)十惡十善略釋(八)祝願平治偈

再版
付印

皆大歡喜第二集內容

- (正文)(一)魏母割臂兒女燃香(二)游子誦經慈親離垢(三)篤孝心立起膏肓病(四)神呪力潛消牢獄災(五)剃工學士受政府榮褒(六)孝女賢婦爲故都生色(七)冥官送丐婦升天(八)使女拜懺文瘡父(九)乖戾兒撞車送命(十)忤逆子遇獸喪生(十一)陳妙嚴輟讀侍祖(十二)張承考學佛出家 (附錄)(一)醫官長追讚善良兒(二)大主教慨斥放逸女(三)錫類詩選(四)歐美哲人嘉言一斑(五)報答親恩之方便門(六)妙不妙歌(七)劉顯亮警衆照相

皆大歡喜第三集目次

正文

一 · 李貴和 ····· 人面瘡 附照

二 · 王辛伯 ····· 癌瘤

三 · 譚天蔭 ····· 肺病

四 · 華梅修 ····· 肺病

五 · 樂媿也 ····· 神經錯亂
膝關節炎

六 · 梁宗灝 ····· 臂痛

七 · 高明月 ····· 瞽目

八 · 王雨文
劉國華 ····· 痞塊

九 · 黃覺根 ····· 乳癌

十 · 祝氏 ····· 膈食症
田氏 ····· 對口疽

十一 · 姜國華 ····· 輾傷

十二 · 劉香渠 ····· 腸疾

十三 · 劉冕執 ····· 疾革

十四 · 鄭慧淨 ····· 頸斜

十五 · 顧顯鶴 ····· 肋膜炎

十六 · 黃伯樵 ····· 眼疾

十七 · 黎氏 ····· 對口疽

十八 · 余水生 ····· 瘋痺

十九 · 包樂登 ····· 巨難

二十 · 史脫勞斯 ····· 眼疾

附錄

皆大歡喜第二集

無母居士編

▲李貴和……人面瘡

北平太虛蓮社李貴和居士。膝生人面瘡。名醫束手。禮懺念佛。始不藥而癒。居士有親筆致編者函。詳述經過。並將人面瘡攝影見示。殊爲珍貴。茲更覓得滌塵居士及李定吉居士所記兩文。一併披露如次。——編者——

懺水濯冤

李居士函云。民國八年。鄙人右腿膝忽生人面大瘡。症甚險。痛苦異常。經諸醫診治日久罔效。

無法治療。再四思維。必由宿業所致。只有皈依三寶。祈佛加被解冤。遂投拜前清僧錄寺正印賢良寺法安老和尚爲師。安師測此病情。蓋係前世冤孽無疑。除禮懺外無辦法。遂由

法安老和尚爲拜三昧水懺三天。以所懺之水洗瘡。由此日見輕減。九年冬。復受五戒於大石橋拈花寺。發願捐施家資。上供三寶。下利衆生。十餘年來。布施有二千餘元。始得宿冤解結。病苦全消。至今仍禮懺誦經念佛不輟。奔走佛事。不辭勞苦。能忍能耐。隨順衆生而已。北平優婆塞李貴和頂禮。

滌塵居士文云。昔唐悟達國師。膝上生大瘡。狀如人面。名醫莫能治。遇迦諾迦尊者。以三昧法水濯之乃癒。方掬水時。瘡作人語。始知鼃錯向袁盎報仇也。三昧水懺法敍之甚詳。頃在北平地安門內太虛蓮社。遇社友李居士貴和。自述昔年右膝患人面瘡。痛如火焚。瘡有口。須喫肉加冰片。徐徐喫盡。中西醫束手。有人勸其念佛懺悔。其夫人因親老子幼。恐夫不治。願代一死。不久其右膝卽生人面瘡。數日遂

沒。李居士因念佛懺悔得免。現猶健在。瘡痕顯然。宛如人面。觀者咸生畏因畏果之心。夫袁盎鼂錯二人之仇。十世尙報。吾人前生有何冤仇。均不可知。勸世人多多誦三昧水懺法。爲法界衆生消滅冤仇。並在各佛堂附設十方法界去來現在一切有情往生牌位。及十方世界衆生消滅一切災難憂苦長生祿位。利生度亡。自他兩利。自身孽障。自然消滅。毋待至受苦時。悔無及矣。

李定吉居士文云。唐悟達國師膝生人面瘡。瘡口作人語。國師前身袁盎。瘡乃鼂錯也。國師十世爲高僧。因犯戒。遂獲復仇。幸遇迦諾尊者用三昧水洗。卽癒。曾著三昧水懺法行世。吾人但聞此事。瘡何以似人面。又何以能言。不能無疑。今見北平太虛蓮社李貴和居士。自云昔年膝上曾生人面瘡。眼口皆有。口須食肉。痛如火焚。名醫無能爲。乃念佛

懺悔。始得不治而全癒。至今瘡痕顯然。眼口宛如人面。見者恐怖。咸信善惡必有報。早遲有差別。鼃錯復仇。自係真實。吾人前生冤仇不可知。一旦受報。其何以堪。惟有早自念佛。至誠懺悔。以自救耳。

編者按。三昧水懺法。亦名慈悲水懺法。故諦老法師著有水懺申義疏。各地佛經流通處有售。

(二)

▲王辛伯……癌瘤

癌瘤一症。號稱難治。迄今未發明有效療法。南通王辛伯氏。患足癌。西醫主張鋸腳絕毒。而王君竟以念佛茹素獲全癒。異哉。游有維居士作記如左。——編者——

法藥
祛毒

南通師範訓育主任王辛伯。爲前南京高等師範江易園居士之弟子。性情誠樸。和藹可親。廿五年

秋。左足右踝。忽患癌瘤。圓若球。堅如石。詢諸西醫。謂此瘤是毒物。其毒入心。生命卽完。須速鋸腳。方可絕毒保身。王惴然憂懼。爲欲保留其原來天足故。乃赴上海聖心醫院。特用貴藥敷治。月餘耗費四百餘圓。而足瘤依然未消。時江易園居士。適在通城開儒佛合一研究會。偶至師校。聞知此事。卽致函王。勸其發心懺悔宿業。爲根本上之治療。王旋返通晉謁。易園乃教以喫素念佛。當可勿藥而癒。並爲廣說法要。王聞大歡喜。卽依言奉行。每日自訂功課。虔誦佛號一二萬聲不等。至冬間。忽致江老居士函云。「弟子自獲師尊教喫素念佛後。足瘤遂逐漸減退。現已消滅於無形。所謂堅如鐵石之癌瘤。已爽然若失。弟子今日肢體既不殘廢。生命又可保全。此再生之慶。微師尊諭以法藥。曷克臻此。佛法如此慈悲廣大。當竭力宏揚。藉報深恩於萬一耳。」

云云。王君之足瘤。醫藥久不能癒。今竟因喫素念佛而全消。可見阿伽陀爲無上聖藥。謹略述其感應。以告世之患病無法解脫者。游有維記。

(三)

▲譚天蔭……肺病

此篇係華北大學學生譚天蔭君自記。譚君以青年而信佛。因信佛而得癒「醫院不能治的肺病」。遂作此記。貢獻於「青年同胞」。現身說法。意味深長。閱者可當作一篇「最新人生觀」讀之。——編者——

良心
慶悅

鄙人於本年九月間。爲對於佛學想做一個有系統的
研究。特來北平。以便親近善知識。到平後。

先往華北居士林。拜訪胡子笏居士。胡老居士就把我因信佛而得癒肺病的事實。公佈於各位林友。遂引起了大家的注意

。林友李蔭亭居士來信。囑我將癒肺病的經過。函達他的朋友燕大明先生。我想。青年同胞。患肺病者不少。如果從此以後。大家對於佛法的殊勝。加以注意。依賴佛力加被。使每一個肺病患者。都能夠消除歷劫的宿障。免去疾苦的糾纏。也不枉我佛慈悲的一番苦心了。所以我把我信佛而得肺病痊癒的經過。公佈大衆。希望諸位高明。不要因我文字之拙劣。而漠視『信佛確能治病的真理』才好。

佛法的力量。真是不可思議。我從初小一直到大學。所受的教育。都是要我信仰科學的真理。破除宗教的迷信。所以輕視宗教的思想。在我的腦海裏。已經有了根深蒂固的基礎。尤其從唯物論的社會科學裏面。更使我那輕視宗教的心理。得到了銅牆鐵壁的保障。我真想不到現在的我。能夠拋開了學校教育的指示。和科學書籍的論斷。而成了佛學裏面的

一個信徒。那麼。我這種信仰佛教。是由於勢力的壓迫嗎。是由於金錢的誘惑嗎。是打算以信佛爲手段。而另外有自私自利不可告人的目的嗎。絕對不是。我敢以良心爲担保。鄭重聲明。我對於佛教的信仰。純粹是由於佛教偉大價值的感化。因爲先對於佛教偉大的價值。有了正確分明的認識。然後才對於這種偉大的佛教。自然而然地發生了牢不可破的信仰。所以我信仰佛教的原因。確實是一種內心的要求。和良心的覺醒。決不是盲目的迷信。天地間的萬事萬物。都由因緣和合而成。那麼。我起初信仰佛教的因緣是什麼呢。說起來話長。現在我只有很簡略地敘述如下。

我的家鄉。住在宛平西山的深山裏面。我本是一個山居的鄉下人。因爲是鄉下人而且山居的緣故。所以就特別顯得愚笨。十數年前。高小畢業後。就考入了河北省立第十師範。

一個見聞寡陋的鄉下孩子。驟然和都市精明伶俐的孩子們。聚首一堂。就格外顯得不如別人了。那時候。我常常受到伶俐同學的輕視。然而我對於都市孩子的不誠實處。也引起了不少的憎厭心。從此我就開始感到了人生的苦惱。幸而那時候的環境。異常簡單。所以身心方面。還沒有受到重大的傷害。後來在北平華北大學讀書。年齡較長。對於社會的認識。也深刻了一層。目睹社會的混亂。人心的險詐。心靈上就感到了絕大的苦悶。又加上從書籍裏面。看到了各種不同的理論。更使我的思想。形成了矛盾龐雜。顛倒迷離的狀態。外界的刺激。加以內心的衝突。使我不能夠辨別孰是孰非。使我不能夠決定何去何從。於是我就徘徊彷徨。好像迷路的羔羊。痛苦不可言狀。我曾求救於科學。科學不能給我相當的指示。我曾求救於哲學。哲學不能給我正確的解答。我想

拏戀愛安慰我不安的心靈。戀愛使我的心靈得到了更大的創傷。我想拏革命解決我對於社會的疑慮。革命使我的疑慮更增加了無窮的糾紛。最後我就消極厭世。昏昏沉沉。打算拏自殺解決我本身所有一切的矛盾。結果。自殺是沒有實行。卻得到了意想不到的肺病。

我在華大畢業的那年。因為精神上絕大的痛苦。健康方面就受到了很深的戕害。飯量一天比一天減縮。身體一天比一天消瘦。下午發燒。夜裏失眠。盜汗咳嗽。種種症候。接踵而至。到了實在不能支持的那一天。才由兩個知己朋友的勸告。把我送到協和醫院去。

在我聽到醫生報告我是肺病的時候。心裏反倒安適了許多。我打算安安靜靜地等候死神的來臨。然而最後禁不住好友的懇切勸告。也就不得不住在醫院的病房裏了。

在協和醫院的三等病房裏。我住了兩個星期。這兩個星期。真是度日如年。天氣是正在六月極熱的時候。醫生不准下地。只好整日整夜地躺在牀上。屋裏既熱。體溫又高。牀舖燙得有如熱鍋。病人恰似熱鍋上的馬蟻。令人焦急萬分。醫生用人功氣胸法給我治病。半尺多長的玻璃管。扎入肺膜裏面去。利用空氣的壓力。使肺葉縮小百分之八十。每天扎氣一次。既痛且怕。差不多如刑場上的罪人。然而爲了治病。也不得不咬牙忍受。我忍受到兩個星期的時候。病不但不見輕。而且更瘦弱了。我就出了院。到城外養病。遵照醫生命令。每隔一星期。往醫院扎氣一次。又扎了兩個月氣。病還是沒有絲毫的起色。我就不再服從醫生的命令。只是每天靜靜地等着死亡。

一個偶然的機會之下。在我養病的地方。來了一位學佛的

居士。這位居士姓李名從賢。見面和談話以後。我知道他是一個識字不多的勞動者。李居士雖然貧苦。卻篤信佛法。有道德。和我相識以後。就常常到我的寓所來閒談。並諄諄勸我研究佛學。他贈給我一部六祖壇經。從這一部佛經裏面。使我認識了甚深難聞的佛法。當時我就生了大歡喜心。嘆爲希有。自此以後。我對於生活。又發生了希望。不再希求死的解脫了。因爲歡喜的緣故。飯量漸增。不到一月工夫。肺病霍然若失。竟自把危難的險境。無意中自行脫離了。這不能不說是佛力的加被呀。病雖然好了。身體確衰弱到了極點。我就回到故鄉去修養。在我故鄉。住着一位沈貫然居士。學問深邃。功夫精純。並且他藏有許多佛學書籍。我常常向他去借書。因而也常常得到他的教誨。沈居士除給我講解大小乘的禪論以外。並向我介紹淨土宗的奧妙。和靜坐念佛法

的殊勝。

自從我得聞淨土法門以後。對於佛恩的深厚。更增加了不少的感謝心。從此我就每天練習靜坐念佛。精神方面。得到了不少的益處。三四個月以後。不但恢復了固有的健康。而且對於人生。不再像以前的悲觀。雖然不敢說已經得到了安身立命的妙訣。至少也認識了人生應走的途徑。可以減去許多徘徊彷徨的苦惱了。所以我立志學佛的因緣。是由於一場危險的肺病。醫院不能治的肺病。由於學佛而得到了痊癒。這豈不是佛法偉大的證明嗎。因為我確實得到了學佛的好處。所以我才對於佛教。發生了堅固的信仰力。這種信仰。純粹是理智的。而非感情的。實證的。而非空想的。所以我說我信仰佛教的原因。是一種內心的要求。和良心的覺醒。與假信盲信者不同。

我既是成了佛教的信徒。我就要永久皈依三寶。以祈脫離苦海。達到彼岸。我敢斷言。世界要想太平。人類要想得救。除了人人篤信佛法以外。不會再有第二條辦法。因為佛教救人。由於大悲。可以使人類徹底相愛。而使世界殺機。根本消滅。其他方法。主張競爭。只有助長人類的殺機。使世間互相慘殺的悲劇。愈演愈烈。不至人類滅絕不止。

這個時代。是我們人類最危險的時代。社會罪惡的薰染。物質文明的誘惑。都能夠使我們的身心。感到絕大的痛苦。稍一不慎。我們就會變成行使罪惡的惡魔。喪身敗德。墮入地獄。這是何等可怕的事情。我們應該立志研究佛學。修證佛法。以祈自度度人。我們要大家努力。使娑婆世界。變成人間淨土。凡是有情衆生。都能夠普沾佛恩。同生極樂。大家及早皈依三寶吧。千萬不要錯過這個難得的人身才好。二

十五年九月。

(四)

▲華梅修……肺病。

無錫華師式居士。作「念佛癒第三期肺病記」。記其族姪孫女梅修女士。患肺疾。醫生已斷爲不治。竟因發心持齋念佛而癒。蓋梅修女士孝女也。爲人誠實不欺。侍奉父母。守貞不字。其得佛菩薩加被。宜矣。以下卽華居士記文。——編者——

孝德
莊嚴

族姪端蓀之次女梅修。師範畢業。任教多年。忽患肺病。百治不效。住蘇州某療養院數月。亦無

起色。嗣回家調養。顧子靜先生診療數次。謂已達第三期。恐非藥石所能療。故一切後事均已辦。時爲甲戌（廿三年）九月中旬。予特往視。勸其念佛求生西方。兼持觀音地藏聖

號。以求加被。渠在病中。有同學贈與聶雲台先生所著人生指津。已翻閱數過。晤談之下。語語契機。頓發大心。立願長素。其時病不能興。囑其默持聖號。至乙亥九月。予往蘇州。堅請予帶飯依。求五戒。賜法名師昭。並蒙印師慈悲。賜大悲水四瓶。並囑多喫蔬菜。服之日有起色。至丙子十月起牀。能侍奉七旬之老母矣。梅修爲人誠實不欺。侍奉父母。守貞不字。蓋孝女也。梅修爲諸希賢過自愛過蘊珍諸先生之門弟子。特書之以爲同病者告。

(五)

▲樂媿也……神經錯亂與膝關節炎

發明『人心測驗實用圖』之鎮海樂媿也君。現寓上海環龍路美樂坊。寫有觀音靈感記實一文。自說其信佛因緣殊奇特。原文如次。——編者——

絕處逢生

觀世音菩薩。大慈大悲。尋聲救苦。在吾中國。因緣最深。靈應顯著之事蹟。口傳筆載。不勝枚舉。徒以吾人無明障重。苟非身受靈應。往往不肯起信。卽信亦未必能堅。余自幼入學校。經十餘年之熏染。僅知信仰歐化學說。絕不知尙有至高無上之佛法在人世間。凡聞諸里巷之傳說。見諸善籍之記載。輒妄指爲是迷信之宣傳。

民國二十年春。余遭遇極大不如意事。刺激過深。遂罹奇症。耳聞別人不聞之聲。目見別人不見之形。嚙語喃喃。時發時息。先父爲之延醫服藥。終無效驗。一日傍晚。症正發間。先父囑入牀安息。方就臥。聞各種可怖之聲。自遠漸近。接續而來。余心甚覺恐怖。正瑟縮朦朧間。忽見有無數男女。或素識。或不相識。男着僧衣。女着尼服。含笑並立於一寺殿之階前。殿內現妙相莊嚴金身佛像。使余頓生羨慕嚮

往之念。遂起牀趨至先父前曰。余悟矣。余悟矣。爾時先父正在誦經。爐香氤氳。誦畢答曰。原是原是。隨將所誦經示余。乃觀世音經。蓋正在爲余祈求大士靈佑也。一味阿伽陀藥。從此奇症頓祛。實啓余信仰佛菩薩之心。但終因智慧不開。仍私疑向所幻見幻聞。或是實有。未數月。先父棄養。余以已有信仰故。俟成殮後。卽朝阿育王寺。爲先父啓建淨七四十九天。以是因緣。獲覩大藏經論若干卷。並虔求大士默啓智慧。得知萬法皆非實有之真理。始悟世俗認爲真相之事物。尙非實有。何況假中之更假者。從此疑團頓釋。快樂奚似。

但大士大威神力之賜於余者。尙不止此。蓋次年余在上海。右足突患膝關節炎症。腫痛難忍。僵臥牀上。住滬甬中西醫院醫治。凡四閱月。症反加劇。足將成廢。命亦垂危。有

友堅勸余。謂家鄉有康愛寶君。善針灸術。救人已多。宜速就治。余謂大醫手均在大都市。今病身幸在都市。不求治於大醫手。反到鄉僻求醫。是走絕路。不聽。適余戚爲代求大士靈籤一紙至。籤曰。『公物不周全。須防損半邊。家鄉爐火近。祈福得安全』。首句意不能明。下三句則明白示余足病須到家鄉求安全也。於是行意遂決。既就康君針灸。僅半月腫痛全消。一月則轉動自如。此轉危爲安之幸遇。雖康君之術有足稱者。然苟無大士之靈佑。則余既不願走絕路。何能絕處逢生哉。

余受恩既深。信仰益堅。因思向所遇臨難獲救二事。全仗先父及余戚信願行之力。但仍蒙菩薩尋聲救苦。至於斯極。倘當時余能早發信心。常持觀世音菩薩聖號。乃至禮拜供養。則二難或亦可免於遭遇矣。茲謹遵余表兄李慧澄居士意。

特將此親歷之事實。錄登報端。藉告世之偏信歐化學說者。編者按。觀音籤首句「公物不周全」。樂君不明其意。竊謂此句蓋謂醫院治病之功效。並不圓滿周遍耳。醫院係公共機關。故曰公物也。讀者以爲然否。

(六)

▲梁宗灝……臂痛。

寫字。費力事也。況老年臂痛。黽勉作書。就常理論。當益增痛楚耳。然漣水梁宗灝君。以六十三歲高齡。寫四萬餘字經典。多年臂疾。遂爾霍然。謂非佛力加被而能若是哉。謂予不信。請觀梁君之自記。——編者——

當前
獲益

鄙人患右臂痠痛。已歷數年。自以爲年衰血虧自然之現象。不易治亦不必治也。自閱佛經。乃知

書寫讀誦。俱有無量功德。由是遂發寫經之願。每日定課。

於念佛之暇。恭寫百餘字。爲學佛之助行。又自念或得佛光加被。能解痛苦。曾寫金剛彌陀心經法華經多部。而肩臂痛楚。猶未癒也。每至冬臘。其苦尤甚。本年春間。應上海佛教居士林寫經之徵。書寫大般若經。由九十二卷至九十七卷。計五卷。約四萬字。由陰曆三月間寫起。至十月終方畢。所最奇者。每當凝神寫經之時。則臂不甚痛。及至五卷寫畢。其右臂痛楚。霍然而癒。今交冬臘。亦伸舉自如。毫無痛苦矣。因思佛法固不可思議。而書寫經典。卽獲當前之利益。尤覺不可思議。欣慰之餘。述之以告同志。可見學佛之益。真實不虛也。乙亥嘉平月。漣水梁宗灝謹述。時年六十三。

(七)

▲高·明·月·……·警·目·

陝西鄂縣含靜法師。於廿五年春間。發願赴南方各省參

學。由鄂至省城。在南山金峯寺。遇一多年瞽目因念佛菩薩聖號得獲重明之高明月君。高自述其經過甚詳。法師道經秦渡鎮時。對甯西亭居士說之。居士筆記如左。

——編者——

菩薩
滿願

高明月。蓋屋縣祖庵鎮北寺村人。民國八年。患眼疾。醫治年餘無效。兩眼黑睛上。漸起一層藍灰色薄翳。痛苦異常。初則昏暗不能細視。後則全眼模糊。失去光明。完全爲黑膜遮蓋。成爲廢人。偶遇一僧人。教其虔念佛菩薩名號。並檢拾字紙。存心向善。求佛慈加被。即可離暗復明。高驚喜。亟問是僧名號。僧不答。旋聞人皆呼爲宋師。卽照稱之。如言奉行。精進無間。並請人代拾字紙。集而焚之。及至二十三年。即可稍覩物影。且能在田中拾麥。高大喜。行之益堅。迨廿四年。忽藍色之翳盡去。恢復

光明。且視力遠透。異於常人。衣縫微虱。亦能細見。含靜法師在金峯寺。親見其人。詳詰其過去失明。及現在復原種種情形。高逐一答述。仍持誦佛號不輟。可見感應道交。心誠則靈。佛菩薩無時不在度衆生。只要懺悔業障。至心皈命。即可滿其所願。離苦得樂。並非難能之事也。

▲王·雨·文·劉·國·華·……·痞·塊·
(八)

軍委會王雨文君。太原劉國華君。均久患痞塊。得祥瑞老法師指導。禮誦大悲呪。遂皆弗藥而癒。邱佛玠居士記之。王君事蓋在民國廿二三年間也。記文詳後——編者——

母子 軍委會別動隊王雨文君。夙患痞塊。發時腰痛異常。屢治不痊。一日因要公至重慶。輪船中遇祥

受恩

瑞法師。因叩問瑞師云。聞諸佛菩薩加被衆生。持念觀世音菩薩。可癒疾病。信乎。瑞師曰。菩薩尋聲救苦。感應無邊。祇須能虔誠持誦。或聖號。或大悲神呪。均能化危爲安。最好能設像禮拜。每天飲大悲像前供水。默禱懺悔。懺悔之力甚大。病是宿業。業消卽病因除。因除。果當自滅。余記得民國十三年。太原陸軍糧服局劉國華居士。亦患痞病。歷三十年。醫藥罔效。余教其虔誠持念大悲呪。後隔四月。余至太原講經。伊來看我云。余遵師囑。如法行持後。未滿一月。病卽痊癒。總之。祇須虔誠。未有不蒙菩薩感應者。王君聞瑞師開示後。心甚喜。隨亦如法禮念。果爾未滿匝月。病卽霍然。因致函瑞師相謝。並云其母多年疾痛。咳嗽不止。因持誦普門品。亦獲康健云。佛玠拜謁瑞師。承述以上感應事。並出示王君之函。特記之以告同仁。附誌王函於後。

祥瑞大師座下。同舟一別。荏苒三秋。渴慕法相。無日稍釋。信徒前得痞塊腹痛。荷蒙傳授大悲呪。病邪得以脫體。家慈歷年咳嗽。病魔作祟。自去歲皈依大師。日誦法華經觀音普門品。身體現亦康復。飲水思源。我母子病苦得以解脫者。皆我大師救苦救難大慈大悲之力也。我母子身受實惠。當如何感恩圖報。方足以慰下懷。

(下略)

▲黃覺根……乳癌

(九)

乳癌非甚危之症。然不易治療。況年逾五十。病纏三載。竟以誦地藏經而霍然脫體。如漢陽黃覺根女居士之所遭者。豈非不可思議歟。下文錄自廿四年十一月七日上海佛教日報。——編者——

夢現 高僧

漢陽佛教正信會會董。陳文甫居士。向於十齋日。虔誦地藏經三卷。從不間斷。伊有女戚黃覺根。

年五十餘。亦正信會會員。身患乳癌。纏綿三載。中西醫治。毫無效果。痛苦情形。不堪筆述。陳因地藏經有云。男子女人。久處牀枕。求生求死。了不可得。但當對諸佛菩薩像前。高聲轉讀此經一遍。即可蒙佛加被。遂於廿四年舊曆八月十六日起。代黃覺根虔誦地藏經七日。每日三卷。黃覺根亦自念大士聖號萬餘聲。廿二日。誦經完畢。黃夜得一夢。始見一高僧形相。繼則爲一老嫗。走近黃身。對其胸前乳部洒藥。並語之曰。爾可再加持一千聲地藏聖號。言畢而去。黃覺根廿三日晨起。卽虔誠加持一千聲聖號。詎料持念既畢。病體卽覺輕鬆。未幾。三載宿疾。竟霍然全愈矣。黃女士深感菩薩垂被。特向正信會陳述。出函證明。以告同病云。

▲祝氏田氏……隔食症對口疽。

鎮江朱理仙居士。初研丹經。後修淨土。有祝姓婦患膈食症。田姓婦患對口疽。居士皆勸誦地藏經。不久即癒。事在廿二年。居士自爲文記之。——編者——

經消宿障

理仙學識荒蕪。初慕長生之術。喜讀丹經。後研佛典。略知十宗五法。然自審無力斷惑。唯皈向

淨土法門。間誦地藏經。粗窺經義。不獨能消夙世罪業。免墮地獄。且能癒沉疴。起惡疾。并超拔亡人。去秋九月初。有祝氏者。居鎮地寶蓋路一六九號。年五十外。患膈食症將兩月。粒米不入。每間五六日。祇能食京江饑開水泡半枚。醫藥罔效。理仙憐其貧寡。且孤兒年方十五。遂教其子代母誦地藏經。冀邀默佑。乃其子甫誦兩日。計經四卷。便能

食飯。病尋癒。理仙驚其效驗神速。令其供奉地藏聖位。早晚禮拜。於是益信地藏之靈。嗣又於冬月底。有鄰人田盛貴者。居鎮江布業公所巷。開成衣店。其妻年已花甲。忽腦後堅硬腫痛。未熟白頭。醫皆曰對口疽。且其本人白日見鬼。自稱已亡之母弟來家。其症日漸擴大。自左耳後至右耳後。堅硬如石。痛楚難言。繼則破爛。不能進食。羣醫束手。理仙雖亦知醫。不敢涉手。祇云此症匪仗佛力不易爲也。因約病者之夫田君。至京畿嶺地藏庵。焚香叩祝。願誦地藏經一百卷。並請紙繪聖像。終身供奉。迨回家後。病人便索米湯。徐徐能食。至晚則潰腐化膿。旬日之間。逐漸平復。飲食日增。居然康復。異哉。大士靈感誠不可思議也。舍親劉漢雲云。此亦其夫婦一生忠厚良善。臨時更有誠信之心。致有此感耳。爰紀其事。讀者並可按址稽證也。甲戌年春日記。

編者謹按。地藏菩薩。垂形六道。普度有情。靈感威神。不可思議。際茲末法時代。衆生之痛苦愈深。大士之垂慈護佑。亦復如響斯應。無微不至。近年菩薩靈感事蹟。幾於書不勝書。上記兩則。不過聊表聖德汪洋中之點滴云爾。

(十一)

▲姜國華……輾傷

北寧路廊坊車站姜馥堂君之子國華。被馬車輾傷。經李旭齋居士爲誦綠度母呪而癒。見劉雲展居士筆記及北平佛化月刊。互有詳略。茲爲參合誌之。(參觀本書第十五則)。

——編者——

老翁
摩創

廿六年元旦日。北寧路廊坊車站學校諸生游行。賀蔣委員長出險。音樂唱歌齊作。有一空馬車驚

跑。將乘自由車之學生姜國華撞倒。車輪於腰際輾過。痛極暈厥。抬回家。已昏迷不語。當地無醫生可請。其父姜馥堂。服務廊坊車站電報房。焦灼無法。同居劉雲展居士。於翌日以此情告李旭齋居士。李居士教姜宅全家誦綠度母呪。並贈北平白塔影片。囑懸傷者之前。誦時觀想繞塔情形。李又索姜生照片。自於夜間對像持綠度母呪千遍。隨置清水一盃於案。誦呪畢。飲水代傷者消災。是日姜宅如言誦呪。傷者旋睡去。醒後告其母。謂夢中眼前現一白塔。塔門出一白髯老翁。向其疼處按摩。遂醒。疼痛若失。旬日後。即能扶杖行走。當未誦呪前。小便不通。時瀉血水。內傷頗重。後即全癒。無生命危險矣。見聞者皆驚詫。非佛力加被。安能如此迅速耶。（按白塔影像底片。存北平阜成門內白塔妙應寺陳玉峯喇嘛處。加印價廉）。

▲劉香渠……腸疾。

紹興許淑瑩女士。誦綠度母呪。臨終預知時至。湖南劉香渠君。聞而起信。虔誦此呪。腸疾獲痊。徐蔚如老居士特印送綠度母像。附記因緣。勸人生信。茲錄記文如左。——編者——

度母 伊既明居士。得來自西藏之綠度母像。贈與紹興延生 李君供奉。李君寓北平甘石橋。其夫人許淑瑩女

士。事親純孝。教子有方。每日跪念佛號暨綠度母呪。歷三閱月。僕婦任氏。王氏。牛氏。皆為所化。隨喜念佛。廿三年一月十八日。預知時至。身無疾苦。沐浴清潔。辭別親友。安詳而逝。兩手結印及傾倚之形。均甚似綠度母像。首七日。異香滿室。咸嘆希有。湖南劉香渠君聞之。歡喜生信

綠度母呪 本尊觀世音菩薩化身

噯。 打累。 朶打累。 朶累。 莎哈。

Om dare dudare dure swaha.

×

×

×

節錄西藏多傑尊者法語輯要

此呪（指綠度母呪）靈感最大。成就最快。免刀兵水火鬼魔疾病一切災難。所求遂意。可求無上菩提。每月初八十五（夏曆）。應修供養。無師傳授有效。漢人知者尙少。

。因誦此呪。旋患腸疾甚劇。中醫束手。西醫主張施手術。唯年已七旬。皆爲之危懼。家人正擬與醫院簽訂文件。劉君乃盡力專念此呪。忽腹鳴腸通。沈疴頓癒。醫者驚詫無已。

(十三)

▲劉冕執……疾革

臭蟲。世人所不與共戴天者也。搜捕勦殺。務速其死。唯恐其生。國府參事劉冕執君。獨於病危之際。偶發慈心。救臭蟲於垂死。遂得自延其生命。此中因果循環之理。殊耐玩味也。劉君之友魏真安居士筆記其事如左。

——編者——

不可傷他

國民政府參事劉冕執君。民國二十年大病。在南

京入醫院。治之數月。不見好。至四月初六日。醫生云。病不治。可通知伊之戚友。預備後事。並可送回家。

中云云。於是伊僕走告其親友。請照料一切。至夜三時。僕坐牀口。忽看見帳上三大臭蟲。舉手欲捉之。劉病重無力。輕輕搖手語僕云。彼亦生命。不可傷他。從此即覺氣力漸增。次早八時。北平醫生來看脈云。此脈可治。未久即全癒。劉君現在仍供職國民政府中。一念慈悲。能轉生死。經云。慈心淨業障。信然。

(十四)

▲鄭慧淨……頸斜。

鄭慧淨居士。幼時得頸項右斜奇疾。遵太夫人命。持觀音齋十閱月。遂獲異夢而痊。民國廿六年二月。居士追記其事。——編者——

特來救汝

憶余幼時。年十歲之十月二十二日傍晚。至鄰肆購鹽豆十文。及返。忽右頸筋肉縮短。頭亦右斜。

。欲正之。痛不可言。駭極。哭告先母。亦茫無所措。於是起臥須扶持。左顧右視。必身回轉。坐則恆以棉被高疊爲靠。痛苦之狀。筆難盡述。雖百計圖治。奈醫藥罔效何。先母乃命持觀音齋。祈大士慈悲攝救。至明年七月。已閱十月矣。猶不稍癒。一夕（忘其日。約在七月中旬）。余於夢中覩二蛇。青背紅腹。旁一老嫗。指告余曰。此蓋大士化身。特來救汝頸也。速頂禮。余聞之。叩首不止。比醒。頸遂左右自如矣。喜極狂呼曰。頸癒矣。頸癒矣。先母猶不信。試之果然。咸感菩薩之靈。於是信佛益篤。及今思之。於心猶喜躍焉。因追記之。丁丑二月廿六日鄭慧淨謹述。

（十五）

▲顧顯鶴……肋膜炎

北平阜成門內妙應寺白塔。供養佛舍利。有南洲塔王之

稱。放光顯瑞。靈應昭著。凡發願拜塔者。無不有求輒應。廿六年春間。復有顧顯鶴君禮塔癒病之事。左記見七月五號上海佛教日報。——編者——

妙應
如響

蘇州顧君顯鶴。年二十八。幼體甚弱。在電報局服務有年。積勞患肋膜炎。呼吸困難。氣逆咳噎

。食量大減。夜不安枕。迭經中西醫治療。咸以胸部積水過多。藥難奏效。不得已。用手術抽水。腫仍未消。稍久。水漲如故。再抽亦無效。體更衰。時現種種危象。顧夫人乃誠心往北平白塔妙應寺。發願拜塔四十九日。每日四十八匝。敬塔未兩旬。再施手術。竟無痛苦。從此病大減。今已全癒。顧君此次大病。約六閱月。幾瀕危境。幸蒙佛佑。得慶更生。靈感不可思議。現顧君全家皈依三寶。念經持呪。勇猛精進。圖報佛恩云。

(十六)

▲黃伯樵……眼疾。

京滬杭路局局長黃伯樵君。患糖尿病症及眼疾多年。廿三年秋。在歐洲奧京市立醫院。受有名眼科專家之割治。痼疾竟痊。特爲文自述其供養藥師經之靈感。與杭州靈隱寺籤語之奇驗。聶雲台君爲之書後。茲將黃聶兩君文併錄如左。聶文將黃君所以能獲靈感之故。就世出世法。盡量闡發。至有價值。望讀者細玩之。——編者——

萬善

(黃伯樵君自記) 伯樵因多年受糖尿病症之影響。

悉圓

兩目視力大減。右目幾全無光。去秋將赴歐洲考

察鐵道事業。偕內子仲完往聶雲台先生處辭行。先生贈藥師經一冊。勸仲完讀之。曰。當於伯樵治病有益也。及抵奧京。訪知市立醫院德醫諾爾敦醫師爲當代治糖尿病症專家。卽往

求治。初不擬治目。蓋諸醫師皆謂目疾根於糖尿。非先治癒本病不可。且就醫理言。目中水晶體既已大半化爲石灰質。須更俟兩年。使完全變成固體目全失明後。方可施行手術。且祇能先割治一目。再休養二年。方能割治其餘也。乃諾醫用調整飲食療法。閱六星期。糖分全癒。余以歐亞數萬里。機會難得。堅請該院奧醫畢樂德醫師治目。畢氏爲世界馳名之眼科專家。其人篤好孔孟之學。室中懸孔子像。藹然仁者也。既爲余細加診察。云當勉盡人力。但不敢保證無意外。乃由予簽名負責。先割右目。經時十餘分鐘而畢。並無痛苦。兩旬後復割左目。僅歷十分鐘。初謂兩目非經四年不能療治者。今乃順利迅速至此。殊非始料所及。當割治右目時。仲完甚惶懼。就旁室默誦佛號。至割治左目時。仲完復虔誦藥師經文。意卽其靈感乎。畢醫謂此次手術之順利。實爲生

平罕覯。蓋目中組織均極細嫩。經手術後。數日內絕不可打嚏咳嗽。否則傷口破裂。須重開割。且有因此終身不治者。又十日內。頭不可側。齒不可嚙。二十日內。不得彎腰。使眼球勿稍受震動。非易易也。前年唐君慶貽專誠由華赴奧。就此醫院由另一醫割治其目。施手術後。終於失明。該院護士爲予言之。猶歎息不置。猶憶出國前。仲完在杭州靈隱寺禮佛。求得一籤云。『萬里雲霞瑞氣濃。千年古鏡面相逢。黑白青黃君自覺。何勞向我決窮通。』初不甚解。及割治右日後。始僅辨黑白二色。迨至全愈。卽能辨一切色。始共驚其靈異云。余旣感諾爾敦畢樂德兩醫師之仁心仁術。尤感雲台先生自利利他之誠。殷勤以佛學相勸勉。竟獲靈應。痼疾皆痊。爰筆而記之。

（聶雲台君書後）佛法以大悲心爲根本。金剛經言。離相

修一切善法。則得無上菩提。故修淨業者。賴萬善相資。波羅蜜門布施居第一。蓋佛法者無我法也。凡利人之心真切。而無一毫名聞利養之心存乎其間。是名無爲。廣行衆善。而無一毫居功自喜之心。是名無相。無爲無相。卽無我也。能如是者。卽是與菩提之道相應也。今有人焉。未讀佛書。而能無相行於布施。從佛法言之。是卽菩薩。復有人焉。持齋念佛。談經說法。而慳貪爲我。或則爲名聞利養而作佛事。是則與淨業不相應。蓋徒襲其迹。不淨其心。以期解脫。蓋亦難矣。故佛法卽在一切世間法中。離世間法別無佛法。離世間法別無可修行也。黃君伯樵於二十一年冬接辦京滬杭鐵路。值一二八之後。營業不振。加以歷年積虧。債負甚鉅。經黃君與所屬悉心整理。以兩年半之時間。竟還外債一千二百萬元。投資於改良新設備者。又一百數十萬元。其所以能

致此者。則以其能明正廉潔。刻苦自勵。公而忘私。國而忘家故也。其影響所及。則使僚屬奮發。以忠實相勉。他路觀摩。得切磋之益。且也。國家得每歲增加數百千萬之正當收入。使當局者。知開源節流。自有生財大道。以此例他。其可能性爲無限量。而無待苛捐雜稅以瑣屑掙克爲政。則其間接之利於億兆民生者。其功德爲何如乎。除路款收入大增之外。路政改良。利益羣衆。尤有足述者。而三四等乘客受惠尤多。其爲人所稱者。剔除賣票處之弊端。使貧民不受剝削。向例車中茶水必售重值。四等乘客無水可飲。黃君爲備茶缸。聽其自飲不取值。又三四等車便所。向爲路員所不注意。污穢幾不堪下足。予所慣見也。今則雖四等亦有清潔之便所。供給草紙。往時雖二等車并紙而無之也。凡此瑣細之事。而乘客則受惠不小。以每日四五萬人得布施之利。發歡喜

之心。其爲功德又何如乎。古人以造橋修路爲大功德。以其方便於羣衆故也。袁了凡先生素行功過格有驗。後在官署。以行善事少爲憂。夜夢人告曰。減糧一事。萬民受惠。卽萬善皆滿矣（見了凡四訓）。以此觀之。黃君之利益於國家人民者如此其鉅。其獲佛法之靈感。豈偶然哉。黃君及夫人皆教育家。屢遊德國。研精學術。而德禮性道之教。則篤守我國古先聖哲之說。黃夫人居家。躬自灑掃炊爨。家用既極儉約。故能盡心公事。不爲私圖。黃君之功績。得於內助之賢者。爲不少矣。近人好以西人粗淺之眼光。嘗議我國高深之教義。對於佛法。輒以消極虛玄迷信等等詆斥之。實際上社會中之捨己利人勇於公益者。乃至世界一切福國利民之偉業。多出於消極道德之人。在吾國則多屬佛教徒。蓋佛法尤以悲愍濟衆爲行持首務。千年來佛法與中國歷史有重大之關係

。政治文學之大人物。十九爲佛學家。乃至論軍事。晉唐宋元明清對外作戰功績卓著者（晉謝安。唐顏真卿。宋范文正。元耶律楚材。明戚繼光。皆佛教徒。清林文忠公鴉片之戰。爲世界歷史之大事。其手寫經課。商務出售）。亦皆屬佛學家。史迹昭然。不容誣也。（日本戰勝俄國之海陸軍大將。亦皆佛教徒）。吾輩苟能以冷靜的頭腦。默察客觀的事實。而不爲主觀的我見所蒙。則知佛法之影響於我國之社會者。利益爲不少也。苟猶有疑吾言者。請一履京滬杭路線。觀黃君率領員役服務之精神。還以與其他多數自命思想進步詆謫舊道德及古教義之人所辦公共事業相比較。而深思其得失之故。當爽然有所失矣。乙亥七月聶其杰識。

（十七）

▲黎少達祖母……對口疽

番禺黎少達君。曾留學法國。新學少年。而孝思敦篤。因祖母患惡疽。爲誦經消業。祖母疽遂癒。黎君亦卽奉佛持戒。眞實修行矣。中央委員陳肇琪氏爲文記之如次

編者——

曾否
誦經

客歲二月頃。敝妹倩黎少達君（廣東番禺縣市橋鄉人）。辭去平漢路材料廠副廠長職南下。來京

就舍下小住。見余晨晚在佛前誦經念佛。視爲常課。初猶以爲迂。既而取案上心經金剛經釋義閱之。始覺其涵妙理。因欲窮其奧。余並學佛初步書籍數種贈之。未幾卽挾之歸粵。今年五月間。聞其祖母在鄉患瘡甚劇。頗爲之慮。忽於七月中接其來函。謂其祖母自五月初間至六月底患項疽極險惡。俗稱對口疽。爲不治症。中西外科醫生診治均罔效。黎君於束手無策之際。自責曰。何不乞救於衆生醫王之佛菩薩。遂

發心爲其祖母誦心經金剛經。數日勿輟。並得大悲水爲之洗患處。洗後痛頓減。偶有賣膏藥者過門。姑請診視。亦謂此乃大惡瘡。幸毒水已出。可將膏藥和藥末敷之。如其言敷下。仍誦經弗輟。適舍妹在廣州小產後患病。黎君以祖母症漸瘥。暫離鄉赴省一視。到省後。晚間亦照常爲其祖母誦經。逾數日回鄉。其祖母一見卽問曰。連日在省有無爲余誦經。自汝去後。每夕余耳際聆誦經聲甚晰。耳聽一句。疽便舒服一些。黎君以實告。益感佛力不可思議。當未回鄉之前夕。其祖母屢向家人問有無人誦經。咸疑其神思錯亂。爲之憂慮不置。至此始知佛恩之加被。由是闔家一同念佛。不旬日而全癒。舍妹亦因飲大悲水。發願念大士神呪。其病若失。敝妹倩今年才二十七歲。曾在中山大學法屬中法大學畢業。固有爲之新青年。從前對佛學信念尙未堅。今來函自稱不能不

篤信。且願持戒切實修行焉。民國二十年八月五日。陳肇琪記。

▲余水生……瘋痺。(十八)

凡痛苦纏綿久淹不治之痼疾。多爲夙業所感。藥石治療。罕能奏效。唯有念佛持齋。放生戒殺。庶業消則病自癒耳。觀余心道居士所記余水生事。可悟箇中因果關係矣。——編者——

唯有念佛

江西鉛山安泉。有余水生者。備於人。十四年。患足疾。瘋痺牀蓐間。越四年。藥莫能癒。家中

所有。典質淨盡。能得生者。家大伯(余鈞)參養之也。已而大伯卒。夢告之曰。「汝之足瘋。乃宿生業障。欲望痊平。唯有念佛。」醒語於我。說所夢如此。予信其言。乃具告

以念佛之法。持念三月。又夢一人以杖叩其足曰。「汝速去。毋得在此。」自後足能漸次移動。竟癒。癒後念佛間斷月餘。足疾又將發。大懼。力持念如前。今足疾固癒。而持念更不敢稍懈矣。余心道記。

(十九)

▲包樂登………厄難

英國大菩提會副會長包樂登氏 (Mr. Bernard L. Broughton)。篤信大乘佛教。於中土所傳禪淨二門。皆有心得。廿一年。在天津佛教功德林演說。自述其因稱念觀世音名號得解脫厄難之二事。洵珍聞也。節記其演詞如左。——

編者——

苦惱
竟解

鄙人與佛法發生關係。爲時甚早。方十六歲時。有一親戚在緬甸服務。寄回英國若干書籍。中有

一册說及佛教。所言雖甚普通。一讀卽甚欣喜。覺世間苦樂種種不同。必有其因。佛教所說業因果報。當係真實。卽由此益信。後讀「亞洲之光」一詩。深喜之。及年事稍長。有一次因遇一困難之事。忽逢一華人。教以稱念「觀音菩薩」四字。卽受其語。其時尚未知梵語觀世音之「婆盧羯帝鉢囉囉」也。然其事竟解。後又讀佛所行讚經。及淨土三經。卽「東方聖書集」中所譯印諸部。時寓處不遠。有一小山。每日卽就其處學作落日觀。後歐戰事起。余年方三十六歲。猶在服兵役年齡。因不願加入戰爭。仍稱念觀音菩薩名。及至調查名籍時。調查員竟誤書余年齡。因免於役。自是更深信佛法之可以令人現前得益矣。

(二十)

▲史脫勞斯……眼疾。

於民國廿六年逝世之德國八十五歲老佛教徒史脫勞斯氏 (Mr. C. T. Strauss)。曾於是年二月間。致書杭州「佛教歐美推行社」。自述其少時入佛因緣。謂實因患眼病一年。其妻偶得英國安樂德爵士 (Sir Edwin Arnold) 所著「亞洲之光」(The Light of Asia 係一種讚美佛教之詩集) 讀與彼聽。忽覩佛相現前。遂發生信仰云。誠不可思議哉。茲節要譯錄該函如次。——編者——

相好
現前

我從心坎中感謝你們寄來的同情的信。和你們給我的我所不配接受的獎讚。你們要我寫一篇我的

歷史尤其信仰佛教的因緣。我現在寄上一篇簡短的我的記錄。(中略)我在少年的時候。是一個老實不客氣的物質主義者。任何宗教。都不在我的眼裏。我抱着這種態度。是容易的。因為我的父親也是這樣教導我的。我於一千八百五十二

年。生在瑞士。一千八百七十年到美國。在紐約住了整整五十年。

在一千八百八十年這一年。我生了很壞的眼病。不能夠看書閱報。這樣的經過了約有一年。在那一年中間。我的妻常常讀書給我聽（她死於一千八百八十九年）。有一天。她拏着一本新書。是剛從一家書店裏買來的。來讀給我聽。那是安樂德爵士所著的「亞洲之光」。當她告訴我這書裏面是一首關於佛的生活和教訓的詩的時候。我就不去聽他了。這一半因為我對於詩是不很懂得。一半因為佛的問題。我不感覺興趣。但是她開始讀起來了。她說。我若真不耐煩聽。可以告訴她。她就不讀。那時我是包紮着眼睛。躺在牀上。忽然起了一種感覺。好像佛的形相顯在我的面前。當我妻讀完了這本小小的書的時候。我請她重新讀一遍。并且要慢慢的讀

。奇怪得很。她第二遍讀完了。我的物質主義和對於宗教的冷淡心情。就被掃除淨盡了。自從那天起。我便變成了一個釋迦世尊的卑下的信徒和服從者。

我先前認做我的大災難的眼病。實在是我對於佛教得到認識的機緣和原因。因爲我若不罹眼疾。我是決不會買一本佛教書看的。後來我眼病好些。就到一家大書店裏（一千八百八十七年初期）。就我的力量。把所有的佛教書買了。但那時祇有兩種佛教書。一種是賴司大維慈的「佛教」第一版。又一種是沃爾登保的德文「佛陀」第一版。我就研究這兩種書。後來多年間。又陸續買到了新出的佛書多種。我對於佛教的高超的倫理觀和它的整個教義。就一天一天的格外心悅誠服起來。我是好像重新出生在世上的一樣。（中略）

一千八百九十三年。詩家谷開宗教大會議。我從由錫蘭來

參加大會的達摩波羅師。作受三皈五戒的儀式。我用巴里文念誦皈戒文句。這是在美洲（並且在歐洲）有一個人公開的自己宣布爲佛教徒的第一回。因此引起了很大很大的驚異。當我還沒有走下演壇的時候。便被新聞訪員包圍起來了。到了第二天。全美報紙都載着這事。多數是加着嘲笑和責備的評話。據在紐約的朋友告訴我。一般意見是認爲我的頭腦有些不很妥當了。所以在一個時期。我是被我的熟人所迴避。到了現在。這種自己宣布爲佛教徒的事。是很平常。沒有人注意了。但在四十年前。卻是一件挺大的駭聞咧。（中略）

我第一回聽到佛教的那一天。可說是我的吉祥日子。我現在活到了八十五歲。還是很快樂。這全是佛教之賜。我自己覺得很幸運的。現在我願望你們的宣傳佛法到歐洲的偉大工作。得到圓滿的成功。並祝你們健康安樂。

大醫王澤及後世之各種神方

●預絕貧窮苦楚神方。養親不敢計所費。齋供僧尼。周恤黨親。布施貧窮。貧人不與計利。不拒假貸。不取非分財物。

●預絕容貌醜陋神方。事親有婉容。和顏奉尊長。塑畫佛像。修補佛像。施香燈油。勸人息訟。謙恭接物。不以暴怒凌人。不鄙笑六根不具之人。

●預絕愚癡邪見神方。尊信三寶。敬惜經書。崇重師傅。受持讀誦大乘經典。親近有德高僧。發明三世因果之說。刪削謗佛之書。誨人不倦。不輕鄙無智之人。

●預絕短命夭折神方。孝養父母。戒殺放生。不畜豬羊雞鳧等物。不造殺生器皿。勸屠人庖人打鳥人等改業。印施戒殺放生因果善書。醫道不精不敢應世。

- 預絕妻子離散神方……不毀鳥巢。不掘獸穴。不捕蟋蟀。
- 預絕盲聾瘖瘂神方……不欺盲聾瘖瘂人。流通佛語。施香燈油。不視姪殺之事。不窺人於隱密。不以惡眼視父母師長僧尼。明目之人不習卜筮以妨瞽者之業。不遮閉禽獸之目。不聽妻妾之譖以疎父母。不聽信邪說。不竊聽人隱襲事。不信人死斷滅無有應報。不謗三寶。不妄議國主尊親師長。不以利口顛倒是非。
- 預絕牢獄閉繫神方……不輕訟。不籠閉鳥獸。不畜蟋蟀。不造刑具。不造豬欄鳥籠及關閉蟲魚之物。
- 預絕虛癆怯弱神方……事親服勞不倦。禮拜三寶。周給病僧。能代病者之勞。不盡奴婢及下賤人力。能節耕牛乘馬之力。

●預絕惡瘡瘋癩神方……居官不妄笞人。不鞭撻奴婢。不毆

撲異類。不以穢手觸經書。布施膏藥。不鄙厭身生惡瘡之人。

以上各項。俱兼自作。教他作。及讚嘆隨喜作。

欲懺悔滅除三障者。當先生厭離心。常觀生死之中。唯有無常苦空無我不淨。虛假如水上泡。速起速滅。往來流轉。猶如車輪。生老病死。八苦交煎。無時暫息。衆等相與但觀自身。從頭至足。其中但有三十六物。髮毛爪齒。眇淚涕唾。垢汗二便。皮膚血肉。筋脈骨髓。肪膏腦膜。脾腎心肺。肝膽腸胃。赤白痰癥。生熟二藏。如是九孔常流。是故經言。此身衆苦所集。一切皆是不淨。何有智慧者而當樂此身。生死既有如此種種惡法。甚可患厭。

慈悲水懺

可以生大歡喜。卻病延年的反觀法。

世上種種苦惱。種種禍患。皆起因於見地之偏私。偏則不全。而非究竟。私乃獨見。實爲罪根。美國高智安君

(Mr. Dwight Goddard

由耶教徒皈依三寶)。來華參叩。期

得佛化中解決人生。挽救世變之利益。苦於一切說不逗機。一旦在聶雲台居士家。聞八萬四千妙藥中之反觀法。有所醒悟。生大歡喜。反觀云何。樂作苦觀。苦作樂觀。有作無觀。失作得觀。生作死觀。健作病觀。榮作辱觀。困作亨觀。美人作夜叉觀。少年作骷髏觀。金錢作毒藥觀。權勢作冰山觀。名譽作不祥觀。怨對作至戚觀。此外種種。可以例推。一轉瞬間。後先徵實。具反觀智。是名正見。弭患止亂。卻病延年。生大效力。